

SCRIPT OF EVENING GOJRI NEWS BULLETIN 15FEB 2025

1700HRS

اوننگ گوجری نیوز بولیشن 15 فروری 2025

یوہ آکاشوانی جموں طفر کوہلی تے نصرت تیں خبر سُنو۔

HEADLINES

۱۔ نائیب صدر جگزیپ دھنکر نے جموں کشمیر مانہ شری ماتا ویشنو دیوی گا کنوکیشن مانہ شرکت کی اُنہاں نے کہیو کہ دفعہ ۰۷۳ غی منسوخی ایک تاریخی فیصلو تھو جہیرو قومی مفاد مانہ کیو گیو۔

۲۔ لیفٹیننٹ گورنر منوج سنہا نے نوجوانان تیں اپیل کی کہ ملک غی ترقی مانہ اپنو کردار ادا کریں تے بھارت نانہ دنیا غی سب تیں بڑی معشیت بنان مانہ مدد کریں۔

۳۔ مرکزی وزیر کیرن ریجیو نے سرینگر مانہ بجٹ ور چرچا گو انعقاد کیو جت جموں کشمیر غا بجٹ ور گل بات کی گئی۔

۴۔ جموں کشمیر حکومت نے پنچائیتاں تے شہری بلدیاتی اداراں تے او بی سی ریزرویشن غا حوالہ تیں قائم پینل کی مدت مانہ ۸۲ فروری توڑی اضافو کیو ہے۔

VP CONVOCATION

نائیب صدر جمہوریہ جگدیپ دنکز نے اج شری ماتا ویشنو دیوی یونیورسٹی کٹرا جہیڑی جے ضلع ریاسی مانہ موجود ہے اُت دسیویں کنوکیشن مانہ شرکت کی تے اسے دوران اُنہاں نے ارادہ غا قابل تحسین طلبہ علما نانہ اعزاز سنگ وی نوازیو تقریب غے دوران اُنہاں نے بولتا واں کہیو جے ملک واسطے دلچسپی سیاسی تے انفرادی دلچسپی تو زیادہ بڑی ہے جنا □ دنکڑ نے مزید بولتا واں کہیو جے قو□ پرستی ہی بھارت غو مزبب ہے نائیب صدر جمہوریہ نے مزید گل بات کرتا واں کہیو جے وزیر اعظم نریندر مودی غی سربراہی مانہ بھارت ترقی کر رہیو ہے اُنہاں نے مزید کہیو کہ جے دفعہ ۰۷۳ غی منسوخی توں بعد ات ترقی ہوئی ہے تے اُنہاں نے دفعہ ۰۷۳ غا ختم کرن نانہ ایک تاریخی قی□ قرار دتو جنا □ دنکڑ نے کہیو جے یہ دفعہ قانون مانہ عارضی طور ور رکھیو گیو تھو جس نانہ ختم کیو گیو ہے قابل ذکر ہے جے اس موقع ور لیفٹیننٹ گورنر منوج سنہا جموں کشمیر غا وزیر اعلیٰ عمر عبداللہ تے تعلیم غی وزیر سکینہ اتو وی موجود تھیں۔ صدر جمہوریہ شری جگدیپ دھنکر تے اُن غی اہلیہ ڈاکٹر سُدیش نے شری ماتا ویشنو دیوی یونیورسٹی کٹرا غا اہاطہ مانہ اپنی مرحو□ مایاں گی یاد مانہ پودا وی لایا۔ اس تیں علاوہ نائیب صدر جمہوریہ نے لیفٹیننٹ گورنر منوج سنہا غے ہمراہ شری ماتا ویشنو دیوی مندر مانہ حاضری دے غے اُت متھو وی ٹیکیو۔

LG CONVOCATION

لیفٹیننٹ گورنر منوج سنہا نے اج شری ماتا ویشنو دیوی یونیورسٹی غا ۰۱ ویں کنوکیشن تقریب مانہ شرکت کی، تے نائیب صدر جگدیپ دھنکر غو شکریو ادا کیو اُنہاں نے پڑھائی مکمل کرن آلاں طلبہ نانہ اپنی نیک خواہشات دتی۔ اس موقع ور لیفٹیننٹ گورنر نے نوجوانان تیں کہیو کہ بھارت غی ترقی مانہ اپنو کردار ادا کریں تے اس دنیا غی سب تیں بڑی معشیت بنن مانہ مدد کریں۔ اُنہاں نے مزید کہیو کہ اچھو اخلاق، نوی سوچ، تے علم کسی بھی ملک غا روشن مستقبل

واسطے بہت ضروری ہے۔ انہاں نے اُساترہ نانہہ بھی نصیحت کی کہ طلباء مانہہ نئی سوچ تے سیکھن گو شوق پیدا کریں۔

RIJJU BUDGET PE CHARCHA

مرکزی وزیر کیرن ریجیجو نے اج سرینگر مانہہ پجٹ ور چرچا کی تے جموں کشمیر غا مالی سا ۵۲۰۲۔۶۲ غا بجٹ تیں متعلق خدشات ور گل کی پریش کانفرنس غے دوران انہاں نے کہیو کہ مرکزی مالی اسکیمیں واسطے سرمایہ الگ ہے تے اگر ضرورت پڑھی تاں اضافی وسائل بھی فراہم کیا جیں غا۔ ریجیجو نے یوہ وی دسیو کہ بجٹ مانہہ خاص طور ور باغبانی گا شعوبہ تے دستکاری غا کاریگراں واسطے خصوصی انتظامات کیا گیا ہیں جس تیں جموں کشمیر مانہہ نکہ تے درمیانہ درجا غا کاروباریاں نانہہ فروغ ملے غو ضرائع ابلاغ نا گل کرتا واں انہاں نے اس طرح کہیو۔

اسی دوران مرکزی وزیر نے وقف ترمیمی بل نانہہ وی فروغ دتو تے کہیو کہ اس غو مقصد جائیدادان غا شفاف انتظام نانہہ یقینی بنان ہے تانجے مسلمان طبقو اس تیں فائدو چاسکے انہاں نے یقین دوايو کہ یوہ بل وقف غی جائیدادان غو غلط استعمال ہون تیں بچاویں تے اس نانہہ ملک بھر مانہہ خاص طور ور مسلم خواتیناں تے مسلم برادری غی زبردست حمایت حاصل ہوئی ہے۔ انہاں نے مزید اس طرح کہیو۔

PM MANN KI BAAT

وزیر اعظم نریندر مودی نے اپنا خیالات من غی بات پروگرام غے زرعیے ملک غا لوکاں تے بیرون ملک رہ رہیا بھارتیہ سنگ ۳۲ فروری نانہہ سانجہ کریں گاریڈیو ور مہینہ وار پروگرام غی ۹۱۱ کشت وے غی۔ اس پروگرام مانہہ ملک غا لوک اپنا خیالات تے سجاوٹا فری نمبر ۰۰۸۷۱۱۰۰۸۱ ور سانجہ کرسکں۔ اس تیں علاوہ وے اپنی رایا نریندر مودی ایپ یا مائی گوو اوپن فور ور وی دے سکیں ۳۲ فروری نانہہ نشر ہون آلا اس پروگرام واسطے لوکاں گا مشورہ تے خیالات اس مہینہ غی ۱۲ تاریخ تک لیا جیں گایوہ پروگرام آکاشوائی تے دور درشن غا سارا نیٹ ورکاں ور نشر کرن توں علاوہ اے آئی آر نیوز ویب سائٹ تے موبائل ایپ نیوز آن اے آئی آر ور وی نشر کیو جے گو قابل ذکر ہے جے جانا مودی غو یوہ پروگرام برائے راست یوٹیو غا اے آئی آر نیوز ڈی دی نیوز پی ایم او تے اطلاعات تے نشریات غی وزارت غی طرفوں وی نشر کیو جے غو۔

OBC PANEL

جموں کشمیر حکومت نے ایک اہم قدم چاتا واں مقامی اداراں واسطے مخصوص پشماندہ طبقہ کمیشن غی مدت ۸۲ فروری توڑی بدھا دتی ہے کمیشن گزشتہ سال تشکیل کی گئی تھی تانجے پنچائیتاں تے شہری مقامی اداراں مانہہ دیگر پشماندہ طبقاں واسطے مخصوص نشستیں غی سفار کرے۔ پہلاں اس غی مدت ۱۳ دسمبر ۲۰۲۰ نانہہ ختم ہوگئی تھی لیکن بن پہلی وار حکومت نے اس مانہہ توسیع کردی ہے۔ اس کمیشن غی سربراہی ریٹاریڈ جسٹس جنک راج کوٹو کر رہیا ہیں تے اس غا ۲ رکن راج کمار بھگت تے ڈاکٹر موبندر سنگھ بڈو ہیں۔ امید کی جارہی ہے جے کمیشن مہینہ غا آخر تک اپنی رپوٹ پیش کرے گو، جس تیں بعد پنچائیت تے بلدیاتی انتخابات کران مانہہ آسانی وے غی۔

AKASHWANI KVK

آکاشوانی جموں نے کرسی وگیان کیندر سانہ سنگ مل غے کے وی کے سانہ مانہ ریڈیو کسان دیوس منایو اس تقریب مانہ ضلع سانہ غا دور دراز گراں تو کساناں جن مانہ کالسری وی شامل ہیں اُن نے برا جو □ جزبہ سنگ اس پروگر □ مانہ حصو لیو اس تقریب مانہ کساناں واسطے جدید تکنیک غے زریوے کاشت کاری تے فلاح وبہبود سکیمان گا کاس پہلو ور لو کہلی گئی اس موقعہ ور ماہر تجربہ کار سائنس دان کے وی کے سانہ پروفیسر ڈاکٹر سنجے کھجوریہ تے سانہ باغ بانی غا چیف افسر مکیش شرما نے باغ بانی تے زراعت گھاس چرائی سکیمان بارے وی غور خوص کیو۔ اس تقریب مانہ آکاشوانی جموں پروگر □ غا ایسٹینٹ ڈائریکٹر بچن لا □ نے آکاشوانی غی طرفوں کساناں نانہ تجربہ کار ماہر سنگ جوڑن غی اہمیت تے بیداری پیدا کرن بارے زور دتو اس موقعہ ور بولتا واں ہیڈ سائنس دان کے وی کے سانہ پروفیسر ڈاکٹر سنجے کھجوریہ نے گج اس طرح کہیو۔

DODA WATAN KO JANO

ضلع ترقیاتی کمشنر ڈوڈھ پرویندر نسگھ نے ایک پہل رفت کرتا واں ڈی سی آفس ڈوڈھ تیں ۴۱ طالب علما نانہ ہرہ جھنڈی دس غے پورا بھارت ٹور وطن نانہ جانو ور روانہ کیا ہیں یوہ پروگر □ ضلع سماجی بہبود محکمہ نے متعقد کرایو اس سیرسپاتا کران گو مقصد طالب علما نانہ ایک موقعو فراہم کرنو تھو جس غے زریع وے بھارت غی ثقافت تے بھارت مانہ کی گئی ترقی بارے جان سکیں۔ اس موقع ور طالب علما نے کوشی غو اظہار کرتا واں ضلع انتظامیہ غو شکریو ادا کیو۔ جے ضلع انتظامیہ نے اُنہاں نانہ تاریخی چیز راج گھاٹ تے انڈیا گیٹ غا دسن غو موقعو فراہم کیو۔ ضلع ترقیاتی کمشنر نے اس ٹور بارے گل بات کرتا واں کہیو جے طالب علما نانہ اس طرح گا سیرسپاتا کران تو اُن غی حوصلہ افزائی وی وے گی۔ اس موقعہ ور بولتا واں ڈی سی موصوف نے گج اس طرح کہیو۔

SURYA GHAR POONCH

اج پونچھ مانہ پردھان منتری سورہ گھر مفت بجلی یوجنہ غے تحت ایک اہم جائیزہ میٹنگ منعقد ہوئی اس میٹنگ غی صدارت پونچھ غا ضلع ترقیاتی کمشنر وکاس گنڈ نے کی جس مانہ ضلع مانہ شمسی توانائی آلو چھت غو نظ □ غ اہدف ور تبادلہ خی □ کیو گیو۔ اگلا مہینہ توڑی ۰۵ شمسی پینل لان غو ہدف مقرر کیو گیو ہے میٹنگ غے دوران دوڈھ ضلع غا ترقیاتی کمشنر نے اس گل ور زور دتو کہ نصب کرن غا عمل نانہ تیز کیو جے غو تانجت گھراں نانہ مفت تے سستی بجلی فراہم کی جاسکے جائیزہ میٹنگ غے دوران نصب کرتا وقت درپیش مسائل ور وی غور کیو جے غو تے حذف نانہ موثر طریقہ تیں حاصل کرن واسطے مربوط کوششاں ور زور دیو جے غو۔ آکاشوانی نا □ گل کرتا واں پونچھ گا ضلع ترقیاتی کمشنر وکاس گنڈ نے اس طرح کہیو۔
